

٥- شرك السرائر - الترغيب والترهيب

شريف علي

السلام عليكم ورحمة الله وبركاته. بسم الله والحمد لله والصلاة والسلام على رسول الله صلى الله عليه وسلم الحديث الثاني عن جند بن عبدالله قال قال النبي صلى الله عليه وسلم من سمع الله به ومن يراني يراني الله به - [00:00:00](#)

تمنع يعني ايه تمنع يعني كاتب تحت هنا من اظهر عمله للناس رياء تكون العقوبة اظهر الله نيته الفاسدة في عمله يوم القيامة وفضحه على رؤوس الاشاد يعني هو اظهر العمل ده للناس - [00:00:19](#)

علشان ايه يراني الناس فتكون عقوبة العبد ده ربنا سبحانه وتعالى يظهر نيته الفاسدة للناس يوم القيامة فيفضح على رؤوس الاشهاد قال رسول الله صلى الله عليه وسلم من سمع الله به ومن يراني يراني الله به - [00:00:35](#)

طيب هل معنى كده ان الانسان ما ينفعش يظهر اي عمل اه من الاعمال قال تعالى ان تبدوا الصدقات فنعمنا هي ممكن انسان يظهر بعض الاعمال لكن هو يعلم من نفسه ان انا مش بعمل كده علشان الناس - [00:00:59](#)

يعني انا اظهرت العمل ده مسلا صدقة او حد مسلا آآ سألني انت مسلا كذا وقلت له لا ده انا صايم انا ما كانش نيتي في في اللحزة دي ان انا آآ عايز ايه آآ اعرف اللي قدامي ان انا صايم فيقول والله ده فلان ده كويس لأ انا عملت كده علشان - [00:01:14](#)

والله اذكر الناس بصيام الاثنين والخميس علشان الناس تقتدي بيا في الحتة دي فانا اظهرت بعض العمل وانا لي برضو اعمال في السر كتير. مش مش بزهر كل الاعمال بتاعتي لأ. انا اظهرت بعض العمل بس - [00:01:33](#)

ان تبدوا الصدقة فنعمنا هي. لان ممكن واحد يتصدق بيشجع الناس ان هي ايه؟ تتصدق زي ما سيدنا عثمان رضي الله عنه فعل في غزوة العسرة غزوة تبوك لما تصدق قدام الناس - [00:01:48](#)

فالناس تحمست ان هي ايه؟ هي كمان تتصدق. فما فيش مشكلة ان الواحد يظهر بعض العمل ده مش رياء. ما دام بيظهر العمل علشان الناس تقتدي به العمل علشان آآ هو يعلم من نفسه ان انا مش بعمل كده للناس. انا بعمل كده لله لكن اظهرت بعض العمل ده

والله اعلم ما فيش فيه مشكلة - [00:02:03](#)

ده المقصود هنا بالحديث هنا المقصود ان الانسان بيعمل ده للناس. يعني واحد دخل المسجد فلقى ايه زي ما النبي عليه الصلاة والسلام يقول اه في حديث يا ايها الناس اياكم - [00:02:23](#)

والشرك السرائر قالوا يا رسول الله وما شرك السرائر؟ قال يقوم الرجل فيصلي فيزين صلاته جاها لما يرى من نظر الناس اليه. فذلك شرك السرائر واحد كده قام يصلي صلي كده صلاة النافلة وقعد بقى ايه عامل نفسه خشوع ومش عارف ايه وبتاع - [00:02:37](#)

فلان هو ايه حاسس ان الناس بتبص عليه فبدأ بقى يطول ويطول في السجود ويقرأ بالراحة فده لما يرى من نظر الناس اليه يعني هو بيعمل كده مش لله هو مع نفسه بايه؟ بيكلف الصلاة بسرعة. لكن قدام الناس ايه؟ يطول ويخشع في الصلاة ويعمل كده -

[00:03:01](#)

ويجي له واحد كده بعد الصلاة يقول له ما شاء الله صلاتك جميلة وكده وبتاع يقوم قايل له لا ده انا صايم كمان فده ده ايه؟ بيظهر العمل لا لا ما تجيبيليش مائة علشان انا صايم. ايوا انت ما حدش سألك. ما حدش سألك. فهو هنا بيظهر العمل بتاعه رياء للناس في

دارية - [00:03:19](#)

واضح ده المقصود هنا في الحديث ربنا يا رب يرزقنا الاخلاص ويصلح فساد قلوبنا وينجيننا من الرياء اللهم امين كده احنا انتهينا خلصنا الحمد لله باب ترهيب من الرياء وكده خلصنا كتاب الاخلاص. جزاكم الله خيرا. سبحانه اللهم وبحمدك اشهد ان لا اله الا انت.

استغفرک واتوب الیک. والسلام علیکم ورحمة الله وبرکاته - 00:03:35